

ЭКОЛОГИК ТАЪЛИМ ВА ЭКОЛОГИК ТАРБИЯНИНГ УЙҒУНЛИГИ

Умида Аматбаевна Юсупова

Чирчиқ давлат педагогик институти магистранти

АННОТАЦИЯ

Мақолада экологик таълим ва экологик тарбиянинг уйғунлиги масаласи қисқача илмий нұқтаи-назардан муҳокама этилдади.

Калит сўзлар: Экология, тарбия, таълим, табиат, экологик маданият, экологик маърифат.

КИРИШ

Экологик муаммоларнинг тобора глобал аҳамият касб этиб бораётганлиги инобатта олиниб, сўнгти йилларда муҳим устувор вазифалар билан бир қаторда атроф муҳит муҳофазаси, экологик маданият, экологик таълим-тарбия, экологик маърифат масалаларига алоҳида эътибор берилмоқда.

Экологик таълимнинг долзарблиги мамлакатимиз табиати, экотизимлари, атроф муҳитни бекарорлик ва издан чиқишидан асраш, аҳолининг экологик маданиятини ошириш, ушбу ўта жиддий, ҳаётий масалаларга аҳолининг барча қатламлари, айниқса, ёшлар ҳисса қўшиши зарурлиги билан белгиланади.

АДАБИЁТЛАР ТАХЛИЛИ ВА МЕТОДОЛОГИЯ

Бироқ, экологик таълимни амалга ошириш жараёнининг тизимли таҳлили экологик таълимни ташкил этишда бу борадаги ислоҳотларни тўлиқ рўёбга чиқаришга тўскениллик қилувчи жиддий муаммо ва камчиликлар сақланиб қолаётганлигини кўрсатмоқда. Хусусан:

- барча турдаги таълим муассасаларида Ўзбекистон Республикасининг «Табиатни муҳофаза қилиш тўғрисида»ги Қонуни 4-моддасида назарда тутилган экология ўқувининг мажбурийлигига оид талаблар етарли даражада бажарилмаяпти;

- амалдаги давлат таълим стандартлари ва ўқув дастурлари мазмунан экологик билим, кўникма, малака ва компетенциялар билан зарур даражада бойитилмаган;

экологик таълим йўналишида илгор миллий ва хорижий тажрибани ўрганиш, улар асосида таълим олувчиларда экологик маданиятни шакллантиришнинг аниқ параметрлари ишлаб чиқилмаган;

- таълим тизимининг барча босқичларида амалда бўлган таълим дастурлари бугунги кундаги глобал экологик муаммоларни бартараф этиш, мавжуд экологик хавф-хатар даражасини камайтириш, табиий муҳитни қайта тиклашга қаратилган умуммиллий тадбирлар моҳияти билан мувофиқлаштирилмаган;

мактабгача таълим ташкилотлари ва умумий ўрта таълим мактаблари таълим дастурларининг мавзулари бугунги кун талабларига жавоб бермайди, жумладан, уларда таълим олувчиларда экологик онгни шакллантирувчи экология ва атроф муҳитни муҳофаза қилиш, она табиатни асраб-авайлаш, табиий ресурслардан оқилона фойдаланиш соҳасига оид мавзулар етарли эмас;

- таълим муассасаларида экологик тарғибот тизими ҳам қониқарсиз аҳволда, бу борада экологик тарғиботни амалга ошириш механизmlарини йўлга қўйиш ва ушбу механизmlарни муносиб рағбатлантириш тадбирлари етарли даражада амалга оширилмаяпти;

- экологик таълимга оид электрон-методик воситаларни яратиш ва инновациялардан фойдаланиш имкониятини кенгайтириш юзасидан аниқ таклифлар ишлаб чиқилмаган;

- таълим ҳамда экология ва атроф муҳитни муҳофаза қилиш соҳасидаги давлат бошқаруви органлари ўртасида экологик таълим тизимини такомиллаштириш борасидаги амалий ҳамкорлик етарли даражада йўлга қўйилмаган, хусусан, ўтган йиллар давомида экологик таълим тизимини ислоҳ қилиш юзасидан фақат таклифлар билдирилган холос;

- экологик таълим соҳасида ўқитувчиларнинг фаолиятини методик жиҳатдан таъминловчи ўқув материаллари, шу жумладан, экология ва атроф муҳитни муҳофazaga қилиш соҳасига оид ўқув қўлланмалари, ўқувчи ва талабалар учун зарур дарслклар етарли эмас;

- таълим дастурлари тўлиқ қайта кўриб чиқишига муҳтоҷ, жумладан, улар республикада сўнгги вақтларда экология ва атроф муҳитни муҳофazaga қилиш соҳасида амалга оширилган ислоҳотлардан келиб чиқиб тубдан такомиллаштирилиши лозим.

Шу муносабат билан 2017 йил 30майда аниқ мақсад ва вазифаларни ҳамда йўналишларни назарда тутувчи Ўзбекистон Республикасида Экологик таълимни ривожлантириш концепциясини қабул қилди.

Концепциянинг асосий мақсади ўсиб келаётган ёш авлодда экологик билим, онг ва маданиятни шакллантириш ҳамда ривожлантириш, экологик таълим-тарбия жараёнини самарали ташкил этиш, шунингдек, экология соҳасидаги илм-

фанни жаҳоннинг илғор инновацион технологияларини жалб этган ҳолда янада такомиллаштиришдан иборат.

Ушбу мақсадга эришиш, уни амалда рўёбга чиқариш учун қуидаги асосий вазифаларни амалга ошириш талаб этилади:

«Таълим тўғрисида»ги ва «Табиатни муҳофаза қилиш тўғрисида»ги Ўзбекистон Республикаси қонунларига мувофиқ узлуксиз таълим тизимида экологик таълимни ривожлантиришнинг асосий тамойилларини белгилаш, уларни изчиллик билан босқичма-босқич таълим-тарбия жараёнига татбиқ қилиш ва шу асосида экологик таълимнинг самарадорлигини янги босқичга олиб чиқиш;

экологик таълим-тарбия беришни, экологик билимларни тарғиб қилишни, ноширлик фаолиятини, кўрик-танловлар ўтказишни, ижтимоий реклама ва шу кабиларни ташкил этиш;

-таълим дастурларини мавжуд экологик муаммоларни бартараф этиш ва замон талабларидан келиб чиқсан ҳолда такомиллаштириш;

-таълим олувчиларнинг эътиборини умумбашарий экологик муаммоларга қаратиш орқали уларнинг она табиатнинг қайта тикланмас манбаларини сақлаб қолиш ва улардан оқилона фойдаланиш бўйича масъулиятини кучайтириш;

экологик таълимнинг самарали шакллари ва усулларини ишлаб чиқиш ҳамда жорий этиш;

-экологик таълимнинг сифатини, кадрлар тайёрлаш тизими самарадорлигини, барқарор ривожланиши кафолатларини ва устуворлигини таъминловчи норматив-хуқуқий, моддий-техника ва ахборот базасини яратиш;

-экология ва атроф муҳитни муҳофаза қилиш бўйича давлат органлари таълим соҳасининг ўзаро манфаатли ҳамкорлигини ривожлантириш.

Концепцияда белгиланган вазифаларни амалга ошириш борасида бугунги кунда олийгоҳларда бир қатор вазифалар белгилаб олинганю Жумладан

Олийгоҳларда табиат муҳофозасига оид қисқа метражли кинофильмлар кўрсатиб бориш ҳам катта аҳамиятга ега. Табиат ва унинг гўзаллигига оид санъат асарлари, расмлар кўргазмаси ,шеър ва ҳикоялар ,ҳам талабаларда табиатга яхши муносабатда бўлиш туйғусини уйғотади.

Олийгоҳ ҳудудида тажриба боғчаси гулзор манзарали дарахтлар экилган майдон бутазор бўлиши зарур. Табиат муҳофозасига оид ишлар ушбу тажриба участкаси ёки боғида оиб борилади. талабалар буларни сақлаш . парвариш қилиш билан шуғулланадилар.

Оийгоҳларда табиатни муҳофоза қилиш жамиятининг бошлангич ташкилоти ташкил этилиб ,унга талабалар,

ўқитувчилар аъзо бўлиб кириши лозим. Таълиим муассасаларида экологик марказлар, экология клублари ташкил этиш, мунтазам равишда экофестиваллар ҳамда танловлвр ўтказиш яхши самара беради. Табиат муҳофозасига бағишлиланган маҳсус кечалар ўтказилиши уларда “Табиатни муҳофоза қилиш”.”Экотуризм”.”Экотаълим”.”Экотарбия”.”Жамият ва унда экологиянинг роли”.”Ўзбекистон қуриқхоналари ва уларнинг фаолияти” каби мавзуларда дакладлар .сухбатлар.тадбирлар ўтказилиб турилиши керак. Тадбирларда талабаларнинг экологик ва эстетик маданиятини юксалтириш .табиат ҳақидаги билим ва салоҳиятини ошириш .она табиат ва унинг неъматларига меҳр-муҳабbat руҳини шакллантириш.экологияга оид билимларни улар шуурига сингдириш даркор.

Талабаларда табиатга муҳабbat нисбатан ва ғамхўрлик туйғулари оила ва мактабда шакилланади. Болаларни табиатга муҳабbat руҳида тарбиялашни ёшлиқдан бошлаш зарурлигини машхур прогрессив педагоглар ўз асарларида таъкидлаб ўтишган. бунга мисол 17-асрда яшаган машхур педагог Я.А.Коменскийнинг “Сезирарли нарсаларни расмларда ифода этиш “номли китобидир. Бу китоб болалар тушунадиган энциклопедиядан иборат бўлиб .болаларга табиатни севишга унинг ҳёти ва тузилиши билан танишишларига ёрдам берадиган шаклда ёзилган.

МУҲОКАМА ВА НАТИЖАЛАР

Умуман олганда инсоннинг табиат.атроф-муҳитга нисбатан оқилона муносабатини шакллантириш давлат.жумладан.таълим тизими олдидаги муҳим вазифалардан бири бўлиб қолди. Эндиликда ўқувчиларда барқарор экологик маданиятни шакллантириш ва ривожлантириш устивор вазифага айланди.

Шу маънода Ўзбекистон Республикаси Кадрлар тайёрлаш миллий дастурида ҳам узлиksiz таълим олувчиларнинг ҳукуқий ., иқтисодий., экологик ва санитария-гигиеник таълими ҳамда тарбиясини такомиллаштириш назарда тувиши таъкидлаб ўтилган.

Булар узлиksiz таълим тизими.шу жумладан.мактаб ва мактабдан ташқари таълим жараёнида ўқувчиларни экологик тарбиялаш .уларда барқарор экологик маданиятни шакллантириш ва ривожлантириш зарурлигини кўрсатади.

Шу ўринда таъкидлаш зарурки ., таълим муассасаларидағи экологик таълим-тарбия жараёни фақатгина ўқувчиларга бериладиган назарий билимлар билан чегараланмаслиги лозим. Экологик таълим жараёнида назариядан амалиётга – глобал

муаммоларни муҳокама қилишдан ўқувчилар билан амалий саъй-ҳаракатларни бажаришга ўтиш давр талабига айланди.

Табиат билан инсон орасидаги муносабатлар мураккаб тарихий характерга эга. Инсониятнинг асрлар давомида табиат унсурларидан фойдаланиб келиши., табиатга бўлган муносабатининг турли даврларда турлича ўзгаришига сабаб бўлган. Қадимда ота-боболаримизнинг табиатга , табиат унсурларига, бўлган муносабати илоҳий бўлган. Сув., ҳаво., тупроқ ва оловни муқаддас санашган. Сувни эъзозлаб ., хаттоки унга тупириш., ифлослсш , гуноҳ иш эканлиги., тупроқни муқаддас билиш., жасадни ҳам тупроққа кўмиш мумкин эмаслиги ., бунинг учун жазо мавжудлиги ҳақида Задўштийликнинг муқаддас китоби Авестода алоҳида таъкидлаб ўтилган. Шундан келиб чиқиб айтиш мумкинки экологик таълим ва экологик тарбия бизнинг қон-қонимизга сингиб кетган тушунчалардан саналади.

ХУЛОСА

Хулоса ўрнида шуни айтиш мумкинки инсоният қанчалик узоқ умр кечиришни., соғлом бўлишни., фарзандларининг соғ-саломат бўлишини., тоза ҳаводан тўйиб нафас олишни., атрофига боққанда гўзалликни қўришни хоҳласа , аввало табиатга муносабатини ўзгартириши., она табиатни севиши., ўзи ва келажак авлодга она табиатнинг нақадар муқаддас эканлигини сингдира олиши лозим. Бунинг учун эса хар биримиз экологик таълим ва экологик тарбиянинг бир-бири билан уйғунлигини англаб етишимиз. Экологик таълим орқали экологик тарбични шакллантириб боришимиз зарур.

Дунёнинг энг тоза давлатлари Норвегия, Швеция, Австрия, Испания, Германия, Чехия, Сингапур, Австралия, Люксенбург, Швецария каби давлатлари ўзининг атмосфераси ва экологиясининг тозали бўйича етакчи ўринларда туради. Бу мамлакатларга хар йили атмосфераси ва экологияси тозалигидан баҳраманд бўлиш учун дунёнинг турли мамлакатларидан сайёҳлар ташриф буюришади.

Ажабланарлиси шуки , тоза муҳит, соғлом ва тинч ҳаётни таъминлайди ва бу тоза давлат ахолисининг ўртача умр кечириш давомийлигининг узунлигини ҳам белгилаб беради

Шундай экан биз ҳам юртимизн тоза худуд. тоза мамлакатга айлантирайлик. Зоро бу ўзимизнинг ҳаётимизнинг фаровон бўлишига сабаб бўлади

REFERENCES

1. Ўзбекистонда экологик таълимни ривожлантириш консепсиясини тасдиқлаш тўғрисида. Ўзбекистон Республикаси Вазирлар Маҳкамасининг ПҚ-434 сонли қарори. 27.05.2017 йил
2. Б.М.Очилова Экология ва дунёқарашиб. Тафаккур нашрёти. Т-2013 йил
3. <https://cyberleninka.ru> Экологик таълим ва тарбия тушунчаларини шакллантириш тамойиллари 2020 йил
4. <https://cyberleninka.ru> Холмўминова Ойгул Жумаевна “Ўкувчиларда экологик ҳуқуқий тарбияни такомиллаштиришнинг педагогик омиллари” Мактаб таълими журнал 2019 йил
5. <https://yuz.uz> Дунёning энг тоза мамлакатлари топ 10 талиги